

Von Feldtmessen.

Spannen/Zöl/ 2c. vnd ander maß/ den Zimmerleuten/ Steinmehern vnd dergleichen Werckleuten/ die mit dem Circel vnd Winckelmaß ihre Werck zuschicken/ abtheylen vnd arbeiten/ erkandt vnd breuchlich ist.

Vnd magst darnach tausendterley Felder/ zwifalten/ zwifach machen vnd messen/ das du durch kein zal zuwegen bringen kanst.

Von Abmessung Allerhand Höhe / Tieffe / Weite / Breyte / vnd Lenge/ durch den Stab Jacob. Beschrieben von Herrn Jacob Köbel.

Jacob Köbel/ Stattschreiber zu Oppenheim/ 2c. wündschet allen Liebhabern vnd Werckleuten artlicher Kunst das günstige Glück/ vnd ware Seligkeit/ Hie zeitlich/ vnd bey Gott ewiglich zu erlangen.

Lieben Herrn vnd gute Freunde/ Mich haben vielmalen angezaußten etlich meiner guten Gesellen/ Kunstbare Werckleut/ Steinmehern/ Zimmerleut/ vnd andere liebhaber der Geometri (das ist der waren Kunst messens) vnd mit fleißiger bitt erinnert/ inen anzuzeigen/ zuerklären vnd verstandigen ein leicht begrifflich/ täglich Instrument vnd Werckzeug/ dardurch sie zu zeiten zu lust vnd auch zur noth/ ein Fensterrame oder andere zugeschickte arbeit/ an einem Thurn/ Haus oder sonst in der Höhe/ auch breyte absehen/ vnd messen möchten. Also daß einer ein gerecht Thür/ Fenster/ Laden/ Stein oder anders/ in ein Name od vierung/ so in der Höhe steht/ auff der Erden recht formieren/ zu werck legen vnd machen möchte. Der gestalt/ daß die Thür/